



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Officio Episcopi Et Ecclesiae Ceremoniis Tractatus Perutilis

Gilbertus <Tornacensis>

Coloniae, 1571

VD16 G 2034

Cap. XXXVI.

urn:nbn:de:hbz:466:1-41678

raliter vicem tenent Apostolorum:
ita Papa typum tenet individuali-
ter Domini Iesu Christi. De cuius
potestate magis est reuerentialiter
subticendum, quàm temerè discu-
tiendum.

CAP. XXXVI.

VT igitur videamus quomodo
omnis perfectio Hierarchica
terminatur in Papa, reducamus
Hierarchiam humanam ad angeli-
cam, & angelicam ad diuinam.
Sciendum est igitur quod in Trini-
tate est trium distinctio personarū,
Patris, & Filij, & Spiritus sancti,
quibus appropriata sunt nomina
potentiæ, sapientiæ, & bonitatis.
Et ex istis sumuntur tres actus Hie-
rarchici in angelica Hierarchia:
Perfectio, quæ pertinet ad Pa-
tris potentiam; illuminatio, quæ
ad Filij sapientiam; purgatio, quæ
ad sancti Spiritus bonitatem. Est
autem

Reducit
hoc cap.
Hierar-
chiã hu-
manam
ad Ange-
licam, cu-
ius perfe-
ctio in
summo
Pontifi-
ce termi-
natur.

autem triplex purgatio: Vna respec-
 tu infirmorum in corpore, cuiusmo-
 di sunt Energumeni: quæ ad ipsos
 pertinet Exorcistas. Altera respec-
 tu immundorum & non mundo-
 rum in anima, cuiusmodi sunt in-
 quinati vitijs cõtramores: hoc per-
 tinet ad Ostiarios. Tertia est respec-
 tu errorum in anima, quæ ad Aco-
 luthos noscitur pertinere, qui & ce-
 roferarij à ferendo lumina fidei sunt
 vocati: vt prima purgatio effectum
 respiciat, secunda affectum, tertia
 intellectum. Est nihilominus tri-
 plex illuminatio: Vna, quantum ad
 lumen antecedens, cuiusmodi est lu-
 men propheticum: & hoc pertinet
 ad Lectores. Alia quantum ad lu-
 men consequens, cuiusmodi est lu-
 men apostolica doctrine: quæ perti-
 net ad Subdiaconos. Tertia quan-
 tum ad lumen plenum, cuiusmodi
 est Euangelicum: quæ pertinet ad

Dia-

Diaconos, ut sit lumē propheticum,
sicut lumen stellarum in nocte: Apo-
stolicum, ut lumen solis in aurora:
Euangelicum verò, sicut lumen so-
lis cum in meridie circumfulget.
Est etiam triplex perfectio respici-
ens potestatem. Quadam enim est
potestas perfecta, quæ ad Sacerdo-
tes pertinet, qui habent ex officio
baptizare, confiteri, soluere & liga-
re. Alia verò perfectior, quæ ad E-
piscopos pertinet, qui soli possunt cle-
ricos ordinare, virgines benedice-
re, Pontifices consecrare, manus im-
ponere, basilicas dedicare, degra-
dandos deponere, Synodos celebra-
re, Chrisma cōficere, vestes & vasa
sacrare. Tertia perfectissima, quæ
est in Papa, qui solus potest quid-
quid alij possunt, & multa alia quæ
non possunt per alios expediri, nec
transeunt etiam de generali man-
dato, nisi specialiter demandentur.

Ad.

Ad ipsum enim solum pertinet translatio Episcopi vel electi confirmati, depositio Episcopi, renunciatio Episcopi vel electi confirmati, exemptio episcoporum, restitutio depositorum, iudicialis diffinitio, et priuilegiorum suorum interpretatio, sedis Episcopalis mutatio, construere de nouo sedem Episcopalem ubi non fuit, subycere unum Episcopatum alij & unū in duos diuidere, & duos unire, votum Hierosolymitanum commutare, generale Concilium celebrare, legem generalem condere, præbendam vel Ecclesiam non vacantem concedere, excommunicatum à se absoluerè à quo non contingit appellare. solus potest pallium concedere, solus semper & ubiq; utitur pallio, solus potest cum bigamo dispensare, & cætera multa solus potest, quæ nullus alius potest.

CAP.